

V - PRELAZNE I ZAVRŠNE ODREDBE**Članak 32.**

Kopiju ugovora o koncesiji nadležno ministarstvo dostavlja nadležnom javnom poduzeću radi unošenja podataka o koncesiji u vodoprivredni informacijski sustav.

Članak 33.

Postupak za dodjelu koncesija se, u javnom interesu, može pokrenuti i koncesija dodijeliti i prije donošenja programa za dodjelu koncesija iz članka 72. stavak 1. Zakona.

Članak 34.

Nadležno ministarstvo je dužno proceduru javnog natječaja i prikupljanja ponuda pri izboru budućeg korisnika koncesije provoditi po odredbama Uredbe o postupku nabavke roba, uslugama i ustupanja radova ("Službene novine Federacije BiH", broj 31/98), ako ovom uredbom nije drugačije propisano.

Članak 35.

Ova uredba stupa na snagu osmog dana od dana objavljivanja u "Službenim novinama Federacije BiH".

V broj 20/2000

13. siječnja 2000. godine
Sarajevo

Premijer
Edhem Bičakčić, v. r.

Na osnovu člana 82. Zakona o vodama ("Službene novine Federacije BiH", broj 18/98), Vlada Federacije Bosne i Hercegovine, donosi

UREDBU**O KONCESIJAMA NA VODAMA I JAVNOM VODNOM DOBRU****Član 1.**

Ovom uredbom utvrđuju se uslovi i postupak za dodjelu koncesija na vodama i javnom vodnom dobru, a naročito:

- manji obim korištenja voda i javnog vodnog dobra za koji nije potrebna koncesija;
- vrijeme na koje se dodjeljuje koncesija;
- osnove za određivanje visine naknade za koncesije;
- način provođenja postupka za dodjelu koncesija.

I - MANJI OBIM KORIŠTENJA VODA I JAVNOG VODNOG DOBRA ZA KOJE NIJE POTREBNA KONCESIJA**Član 2.**

Pod manjim obimom korištenja voda i javnog vodnog dobra, u smislu člana 70. stav 2. Zakona o vodama ("Službene novine Federacije BiH", broj 18/98 - u daljem tekstu: Zakon), za koje nije potrebna koncesija smatra se:

1. korištenje vodnih snaga za proizvodnju električne energije bez podizanja trajnih objekata;
2. korištenje vodnih snaga za pogon postrojenja bez podizanja trajnih objekata, odnosno bez trajne ugradnje uređaja;
3. korištenje voda za tehnološke i druge potrebe građana koji obavljaju privrednu djelatnost, ali bez podizanja objekata, odnosno ugradnje uređaja;
4. navodnjavanje poljoprivrednog zemljišta iz vodotoka ili podzemnih voda ručnim pumpama.

Korištenje voda za namjene iz stava 1. ovog člana vrši se na osnovu ugovora koji zaključuje korisnik i Javno preduzeće za "Vodno područje slivova rijeke Save" Sarajevo, odnosno Javno preduzeće za "Vodno područje slivova Jadranskog mora" Mostar (u daljem tekstu: nadležno javno preduzeće).

Član 3.

Korištenjem voda i javnog vodnog dobra za koje je potrebna koncesija u smislu Zakona i ove uredbe ne smatraju se radovi na

polaganju električnih i telekomunikacionih vodova i kablova, koji se polažu u vodama i na javnom vodnom dobru.

II - VRIJEME NA KOJE SE KONCESIJA DODJELJUJE**Član 4.**

Koncesije za namjene utvrđene Zakonom se dodjeljuju u sljedećem trajanju:

1. za korištenje voda za potrebe javnog snabdijevanja vodom naselja"
 - za međudržavne i međukantonalne sisteme snabdijevanja vodom, u zavisnosti od kapaciteta - od 60 do 99 godina,
 - za sisteme snabdijevanja vodom naselja preko 50.000 stanovnika na području jednog kantona - 40 godina,
 - za sisteme snabdijevanja vodom naselja do 50.000 stanovnika na području jednog kantona - 30 godina,
 - za ostale manje vodovodne sisteme i seoske vodovode, bez uređaja za prečišćavanje vode za piće - do 10 godina;
2. za korištenje vodnih snaga za proizvodnju električne energije:
 - za hidroelektrane snage preko 30 MW - do 99 godina,
 - za hidroelektrane snage od 5 do 30 MW - do 40 godina,
 - za hidroelektrane snage do 5 MW - do 30 godina;
3. za korištenje vodnih snaga za pogon postrojenja, izuzev za proizvodnju električne energije - do 30 godina;
4. za korištenje voda za tehnološke i slične potrebe pravnih lica i građana koji obavljaju privredne i druge slične djelatnosti (za hlađenje, ispiranje, korištenje voda kao sirovina i sl.) - do 40 godina,
 - za korištenje pitkih voda radi njihovog flaširanja i prodaje na tržištu - do 20 godina;
5. za korištenje mineralnih i terminalnih voda:
 - za mineralne vode koje se flaširaju, odnosno koriste za proizvodnju napitaka i za druge namjene - do 40 godina,
 - za terminalne vode - do 50 godina;
6. za zahvatanje vode za hidromeliracione sisteme za navodnjavanje:
 - sa akumulacijama, dovodnim kanalima, razvodnom i detaljnom mrežom, odnosno uređajima za raspodjelu voda i za mjerenje količina vode isporučene potrošačima - do 40 godina,
 - bez akumulacija i ugrađenih uređaja za raspodjelu voda, ali sa uređajima za zahvatanje vode i za mjerenje količina vode isporučene potrošačima - do 30 godina,
 - za ostale manje hidromeliracione sisteme za navodnjavanje poljoprivrednog zemljišta - do 10 godina;
7. za uređenje plovni putova (prevodnice, ustave, drugi pripadajući objekti i slično) - do 60 godina;
8. za građenje riječnih i morskih pristaništa i pristanišnih postrojenja - do 60 godina;
9. za uzgoj ribe u privredne i druge svrhe:
 - u objektima ribnjaka - do 50 godina,
 - u objektima za kavezni uzgoj ribe - do 15 godina;
10. za privredno i drugo korištenje javnog vodnog dobra sa podizanjem trajnih objekata, odnosno ugradnjom uređaja - do 50, odnosno 30 godina;
11. za korištenje javnog vodnog dobra za sportske i rekreativne namjene sa izgradnjom trajnih objekata - do 50 godina;
12. za vađenje materijala iz vodotoka u trajanju dužem od tri godine sa utvrđenom količinom materijala koji će se eksploatirati tokom korištenja prava iz koncesije - do 5 godina.

Član 5.

Vrijeme trajanja koncesija za korištenje voda i javnog vodnog dobra do najdužeg vremena trajanja određenog u članu 4. ove uredbe utvrđuje se, na osnovu:

- stepena utjecaja na stanje okoline, prostornom obimu i drugim privrednim okolnostima,

- stepena utjecaja na stanje vodnog režima,
- visine ulaganja i vremena amortizacije objekata i postrojenja,
- obima korištenja voda i javnog vodnog dobra,
- namjene za koje se voda i javno vodno dobro koristi,
- zaštite javnog interesa.

Član 6.

Kod određivanja vremena trajanja koncesije korisnicima koji su ranije bili korisnici iste koncesije pri ponovnom davanju koncesije, uzima se u obzir vrijeme korištenja voda, odnosno javnog vodnog dobra za istu namjenu, amortizacija dosadašnjih ulaganja u objekte i postrojenja koji služe konkretnoj koncesiji i vrijednosti novih ulaganja u objekte i postrojenja za dalje korištenje prava na koncesiju.

Vrijeme trajanja koncesije, u smislu stava 1. ovog člana, ne može biti kraće od jedne trećine najdužeg vremena za dodjelu koncesije za istu namjenu određenog u članu 4. ove uredbe.

Postojeći korisnik koncesije može podnijeti zahtjev za produženje koncesije najkasnije jednu godinu prije isteka vremena na koje mu je koncesija dodijeljena.

O zahtjevu za produžetak koncesije iz stava 3. ovog člana, nadležni organ je dužan odgovoriti najkasnije šest mjeseci od dana podnošenja zahtjeva.

III - OSNOVE ZA ODREĐIVANJE VISINE NAKNADE ZA KONCESIJE

Član 7.

Kao osnova za određivanje visine naknade za koncesiju na vodama i javnom vodnom dobru za namjene određene Zakonom, uzima se:

1. procenat godišnjeg iznosa posebne vodoprivredne naknade za iskorištavanje voda za namjene:
 - korištenja voda za potrebe javnog snabdijevanja vodom naselja;
 - korištenja vodnih snaga za pogon postrojenja, osim za proizvodnju električne energije;
 - korištenja voda za tehnološke i slične potrebe pravnih osoba i građana koji obavljaju privrednu ili drugu sličnu djelatnost;
 - crpljenja mineralnih i terminalnih voda;
 - zahvaćanja voda za hidromelioracione sisteme za navodnjavanje poljoprivrednog zemljišta;
2. 1% od ostvarenog godišnjeg prihoda od prodaje električne energije za namjenu korištenja vodnih snaga za proizvodnju električne energije;
3. procenat od prosječne prodajne cijene poljoprivrednog odnosno građevinskog zemljišta za namjene:
 - uređenja plovnih puteva;
 - gradnje luka i lučkih postrojenja;
 - privrednog i drugog korištenja javnog vodnog dobra izgradnjom trajnih objekata, odnosno ugradnjom uređaja;
 - korištenja javnog vodnog dobra za sportske i rekreacijske namjene izgradnjom trajnih objekata;
4. procenat od godišnjeg prihoda ostvarenog prodajom ribe za namjenu uzgoja ribe u privredne i druge svrhe;
5. procenat od prodajne cijene izvađenog materijala iz vodotoka za namjenu vađenja materijala iz vodotoka u trajanju dužem od tri godine.

Izuzetno od odredbe stava 1. ovog člana naknada za koncesiju može se, samo u izuzetnim slučajevima, utvrđivati kao procenat od dobiti ostvarene po godišnjem obračunu korisnika koncesije.

Ako se nakon prestanka koncesionog odnosa, za iste namjene dodjeljuje koncesija novom korisniku koncesije zajedno sa građevinama i uređajima, novi korisnik koncesije je dužan platiti i odgovarajuću naknadu za postojeće građevine i uređaje koje mu se daju na korištenje, a koja se utvrđuje ugovorom o koncesiji.

Naknada iz stava 3. ovog člana se ne plaća ako je koncesija ponovno dodijeljena istom korisniku na način utvrđen članom 6. ove uredbe.

Član 8.

Naknadu za koncesiju, korisnik koncesije je dužan plaćati u četiri jednake rate, sa dospijanjem pojedine rate posljednjeg dana svakog tromjesečja.

Član 9.

Ugovorom o koncesiji naknada za korištenje koncesije utvrđuje se, po pravilu, primjenom jednog, a u određenim slučajevima-višenamjenskim korištenje vode, odnosno javnog vodnog dobra od strane istog korisnika koncesije, primjenom dva osnova utvrđena u članu 7. stav 1. ove uredbe.

IV - POSTUPAK ZA DODJELU KONCESIJE

1. Pokretanje postupka

Član 10.

Postupak za dodjelu koncesije se pokreće zaključkom nadležnog organa utvrđenog Zakonom, koji se donosi na osnovu prijedloga Federalnog ministarstva poljoprivrede, vodoprivrede i šumarstva, odnosno kantonalnog ministarstva za poslove vodoprivrede (u daljem tekstu: nadležno ministarstvo), zavisno od Zakonom utvrđene namjene za koju se koncesija daje.

Član 11.

Federalno ministarstvo poljoprivrede, vodoprivrede i šumarstva podnosi prijedlog za pokretanje postupka za dodjelu koncesije o kojem odlučuju Parlament Federacije Bosne i Hercegovine i Vlada Federacije Bosne i Hercegovine.

Kantonalna ministarstva za poslove vodoprivrede podnose prijedlog za pokretanje postupka za dodjelu koncesije o kojoj odlučuju zakonodavna tijela kantona.

Član 12.

Prijedlog za pokretanje postupka dodjele koncesije iz člana 11. ove uredbe se podnosi na osnovu programa za dodjelu koncesija kojeg Vlada Federacije Bosne i Hercegovine, odnosno vlada kantona donosi za razdoblje od pet godina.

Član 13.

Uz prijedlog za pokretanje postupka, nadležno ministarstvo je dužno izraditi elaborat kojim se obrađuju sva tehnička, pravna i ekonomska pitanja bitna za donošenje odluke o koncesiji kao i pitanja utvrđena u članu 71. st. 2. i 3. Zakona, koji sadrži:

1. program korištenja koncesije (sa podacima o lokalitetu; vlasništvu na objektima i zemljištu, namjeni, ulaganjima i efektima korištenja predmetne koncesije);
2. dokumentaciju o istražnim radovima, ako su istražni radovi prethodno vršeni;
3. opis tehničko-tehnološkog postupka korištenja voda i javnog vodnog dobra, njegovog uticaja na stanje režima voda, vodoprivredne objekte, na korita i obale vodotoka, imovinu trećih lica, stečena prava trećih lica na korištenje voda i zaštitu čovjekove okoline;
4. investiciono-tehničku i drugu dokumentaciju za objekte i opremu koja će se koristiti za koncesiju po ovoj uredbi;
5. ponudbenu dokumentaciju za dodjelu koncesije.

Na osnovu dokumentacije iz stava 1. ovog člana nadležno ministarstvo utvrđuje uslove pod kojima se koncesija može dati i dostavlja ih nadležnom tijelu iz člana 11. ove uredbe.

U izradi dokumenata iz st. 1. i 2. ovog člana, nadležno ministarstvo dužno je uključiti nadležno javno preduzeće, a za dodjelu koncesije za korištenje vodnih snaga za proizvodnju električne energije i Javno preduzeće Elektroprivreda Bosne i Hercegovine - Sarajevo, odnosno Javno preduzeće za proizvodnju, prijenos i distribuciju električne energije "Elektroprivreda Hrvatske zajednice Herceg-Bosna" Mostar, u čiji elektroenergetski sistem će se novoizgrađeni objekat

uključiti.

Član 14.

Pod uslovima iz člana 13. stav 2. ove uredbe podrazumijevaju se uslovi bitni za donošenje zaključka o pokretanju postupka o dodjeli koncesije, odnosno za donošenje odluke o koncesiji, a naročito:

1. namjena za koju se koncesija daje;
2. mjesto korištenja koncesije;
3. usklađenosti kapaciteta i obima koncesije sa uslovima određenim u dokumentima vodoprivrednog razvoja;
4. način na koji se dodjeljuje koncesija, ukoliko nije određen Zakonom;
5. rok na koji se koncesija daje;
6. evaluacioni kriteriji za izbor najpovoljnije ponude;
7. uslovi prestanka prava iz koncesije, i
8. posebne uslove i obaveze korisnika koncesije.

Član 15.

Zainteresovana fizička ili pravna lica, kao i organi uprave, mogu kod nadležnog ministarstva, pokrenuti inicijativu za pripremu prijedloga za dodjelu koncesije.

Po inicijativi iz stava 1. ovog člana nadležno ministarstvo dužno je izjasniti se u roku od 20 dana od dana prijema inicijative.

2. Način dodjele koncesije

Član 16.

U slučaju prestanka koncesije zbog isteka vremena na koje je dodijeljena, nadležno ministarstvo može odlučiti da se koncesija, bez provođenja konkursa neposredno dodijeli dotadašnjem korisniku koncesije, pod uvjetom da se time osigurava nastavak namjenskog korištenja koncesije i da se to ne protivi javnom interesu.

Član 17.

Po zahtjevima postojećih korisnika koji se rješavaju u skladu sa članom 231. Zakona, nadležno ministarstvo ne donosi zaključak o pokretanju postupka dodjele koncesije, nego provodi postupak i na osnovu stručnog izvještaja nadležnog javnog preduzeća i utvrđenih uslova donosi odluku o davanju koncesije.

Član 18.

Po donošenju zaključka za pokretanje postupka za dodjelu koncesije, postupak za dodjelu koncesije provodi nadležno ministarstvo, ukoliko zaključkom nije drugačije određeno.

2.1. Javni konkurs

Član 19.

Javni konkurs za dodjelu koncesije sprovodi konkursna komisija, čiji sastav i broj članova određuje nadležno ministarstvo, vodeći računa o namjeni za koju se koncesija dodjeljuje.

Član 20.

Oglas o raspisivanju javnog konkursa objavljuje se u "Službenim novinama Federacije BiH", najmanje u jednom dnevnom listu što se redovno prodaje na teritoriji Federacije BiH i odgovarajućem međunarodnom glasilu.

U slučajevima kada je za provođenje postupka dodjele koncesije nadležno kantonalno ministarstvo oglas se objavljuje u službenom glasilu odnosnog kantona.

Rok za podnošenje ponuda ne može biti kraći od 90 dana.

Član 21.

Ponuda sa dokumentacijom podnosi se komisiji iz člana 19. ove uredbe u zapečaćenom omotu sa naznakom "Ponuda za javni konkurs za dodjelu koncesije".

O prijemu ponude izdaje se potvrda s naznakom vremena predaje ponude (dan i sat prijema), pečatom i potpisom službene osobe koja je primila ponudu.

Član 22.

Postupak otvaranja ponuda može se provesti samo ako su blagovremeno primljene najmanje dvije ponude.

Ako nije blagovremeno dostavljena ni jedna ponuda, nadležno ministarstvo, konstatovat će zaključkom da postupak javnog konkursa nije uspio i ponovo će objaviti oglas o javnom konkursu.

Ako je dostavljena samo jedna blagovremena ponuda, konstatovat će se da nema drugih ponuda i o tome će se, bez otvaranja omota sa pristiglom ponudom, obavijestiti nadležno tijelo iz člana 11. ove uredbe (član 71. Zakona). Ovo tijelo može odlučiti da se postupak ponovi objavljivanjem novog oglasa, a može, uz pristanak ponuđača, odlučiti da se omot s ponudom otvori i odluka donese neposredno na osnovu zaprimljene ponude.

Član 23.

Postupak otvaranja ponuda provodi konkursna komisija u mjestu, prostorijama i vremenu određenom u oglasu o javnom konkursu.

Postupak se provodi neovisno o tome da li su pristupili ovlašteni ponuđači.

Član 24.

Na početku sjednice za otvaranje ponude predsjednik konkursne komisije navodi broj blagovremeno primljenih ponuda i imena ponuđača, podatke o neblagovremeno primljenim ponudama, imena prisutnih ovlašćenih ponuđača, te utvrđuje da li su ispunjeni uslovi za provođenje postupka.

Nakon što je utvrđeno da su ispunjeni uslovi za provođenje postupka pristupa se otvaranju ponuda, redosljedom njihova prijema i upoznaje prisutne s njihovim sadržajem.

Ako nisu ispunjeni uslovi za provođenje postupka, sjednica se prekida i određuje datum za održavanje nove sjednice.

Član 25.

O postupku otvaranja ponuda vodi se zapisnik u koji se, između ostalog evidentira:

1. mjesto, dan i sat održavanja otvaranja ponuda,
2. imena članova konkursne komisije,
3. broj primljenih blagovremenih ponuda s nazivima ponuđača, te broj neblagovremenih ponuda,
4. imena prisutnih ovlašćenih ponuđača,
5. osnovni podaci iz ponuda,
6. konstatacija da je postupak proveden saglasno propisima.

Na zahtjev ovlašćenih ponuđača u zapisnik se unose njihove primjedbe na rok postupka i sadržaj zapisnika.

Zapisnik potpisuju članovi konkursne komisije i prisutni ovlašćeni ponuđači.

Potpisivanjem zapisnika završava postupak otvaranja ponuda.

Član 26.

Po završenom postupku konkursna komisija pristupa evaluaciji ponuda, i to počev od eventualnih primjedbi ponuđača stavljenih na zapisnik, obavlja provjeru kompletnosti i podobnost svih ponuda, ispravlja moguće računске greške, uspoređuje podatke u ponudama sa uslovima iz oglasa i utvrđuje odstupanje od tih uslova.

Konkursna komisija o svom radu sačinjava evaluaiconi izvještaj.

Član 27.

Konkursna komisija daje mišljenje o povoljnosti ponuda i ponudi koja je sa stajališta ispunjenja svrhe dodjele koncesije najpovoljnija. Pri tome se između ostalog uzima u obzir:

1. učinak koncesije na razvoj privrede i zaštitu okolice na području na kojem se koncesija dodjeljuje,
2. povoljnija tehnička rješenja,
3. racionalnija tehnologija sa stajališta korištenja voda i

- zaštite voda od zagađivanja,
4. sposobnost ponuđača, s obzirom na osiguranje finansijskih sredstava i tehničke i organizacijske uslove,
 5. ponuđeni iznos jednokratne naknade kada je u konkursu određen njen početni iznos,
 6. učešće domaćih preduzeća i opreme koje ponuđač namjerava angažovati, odnosno nabaviti za potrebe koncesije.

Član 28.

Zapisnik o postupku otvaranja ponuda sa ponudama i dokumentacijom, izvještajem i mišljenjem o povoljnosti ponuda, konkursna komisija dostavlja nadležnom ministarstvu koje vrši izbor najpovoljnije ponude.

2.2. Prikupljanje ponuda

Član 29.

Postupak prikupljanja ponuda za dodjelu koncesije sprovodi konkursna komisija čiji sastav i broj članova određuje nadležno ministarstvo, vodeći računa o namjeni za koju se koncesija dodjeljuje.

Prikupljanje ponuda vrši se na osnovu pismene obavijesti nadležnog ministarstva pravnim licima i građanima koji mogu imati interes za koncesiju ili na osnovu javnog oglasa o prikupljanju ponuda.

Na rad konkursne komisije u vezi sa prikupljanjem ponuda shodno se primjenjuju odredbe čl. 21. do 28. ove uredbe.

2.3. Neposredan zahtjev

Član 30.

Postupak za dodjelu koncesije po neposrednom zahtjevu novih i postojećih korisnika koncesije za namjene iz člana 70. stav 1. tač. 1., 3., 6., 8. i 11. Zakona se pokreće na inicijativu zainteresiranih investitora, koja se podnosi nadležnom ministarstvu.

Nadležno ministarstvo inicijativu novih korisnika dostavlja nadležnom tijelu iz člana 11. ove uredbe na donošenje odluke u smislu člana 71. stav 4. tačka 2. Zakona.

Ako nadležno tijelo iz člana 11. ove uredbe donese odluku da se koncesija može dodijeliti po neposrednom zahtjevu, nadležno ministarstvo će nakon razmatranja usklađenosti inicijative sa programom dodjele koncesije iz člana 12. ove uredbe sprovesti postupak dodjele koncesije po neposrednom zahtjevu.

Član 31.

Odluku o dodjeli koncesije donosi nadležno ministarstvo u roku od 90 dana od dana podnošenja inicijative iz člana 30. stav 1. ove uredbe.

V - PRELAZNE I ZAVRŠNE ODREDBE

Član 32.

Kopiju ugovora o koncesiji nadležno ministarstvo dostavlja nadležnom javnom preduzeću radi unošenja podataka o koncesiji u vodoprivredni informacijski sistem.

Član 33.

Postupak za dodjelu koncesija se, u javnom interesu, može pokrenuti i koncesija dodjeli i prije donošenja programa za dodjelu koncesija iz člana 72. stav 1. Zakona.

Član 34.

Nadležno ministarstvo je dužno proceduru javnog konkursa i prikupljanja ponuda pri izboru budućeg korisnika koncesije provoditi po odredbama Uredbe o postupku nabavke roba, uslugama i ustupanja radova ("Službene novine Federacije BiH", broj 31/98), ako ovom uredbom nije drugačije propisano.

Član 35.

Ova uredba stupa na snagu osmog dana od dana objavljivanja u "Službenim novinama Federacije BiH".

V broj 20/2000

13. januara 2000. godine
Sarajevo

Premijer

Edhem Bičakčić, s. r.

46

Na temelju članka 61. st. 1 i 3. Zakona o porezu na promet proizvoda i usluga ("Službene novine Federacije BiH", br. 6/95 i 25/97), Vlada Federacije Bosne i Hercegovine, donosi

ODLUKU

O PRIVREMENOM UKIDANJU I SMANJIVANJU STOPA POREZA NA PROMET

I

Privremeno se ukida stopa poreza na promet dizelskog goriva D-2 utvrđena Tarifom poreza na promet ("Službene novine Federacije BiH", br. 6/95 i 25/97, u daljnjem tekstu: Tarifa) isključivo namijenjenog za proizvodnju u rudnicima, te u termoelektranama za proizvodnju električne energije, za sljedeće korisnike:

Korisnik

Količina (litara/mjesec)

1. Rudnici uglja

1.594.149,00

1.1 Rudnik mrkog uglja "Kakanj" Kakanj

300.000,00

1.2. Rudnik mrkog uglja "Zenica" Zenica

18.000,00

1.3. Rudnik mrkog uglja "Breza" Breza

32.248,50

1.4. Rudnik mrkog uglja "Abid Lolić" Bila,

Travnik

8.000,00

1.5. Rudnik lignita "Gračanica" Gornji Vakuf

70.833,33

1.6. Rudnici uglja "Kreka-Đurdevik", Tuzla

495.069,00

1.7. Rudnik mrkog uglja "Banovići", Banovići

550.380,91

1.8. Rudnik mrkog uglja "Kamengrad"

Sanski Most

24.654,83

1.9. Rudnik uglja "Tušnica" Livno

47.337,25

1.10. Rudnik boksita Jajce

1.792,00

1.11. Rudnik mangana Bužim

25.000,00

1.12. Rudnik barita Kreševo

18.750,00

1.13. Rudnik boksita Bosanska Krupa

2.083,33

2. Termoelektrane

194.250

2.1. TE "Tuzla"

99.580

2.2. TE "Kakanj"

94.670

II

Privremeno se smanjuje stopa poreza na promet osobnih automobila proizvedenih u Federaciji utvrđena Tarifom, sa 20% na 7%.

III

Ova odluka stupa na snagu narednog dana od dana objave u